

HELAIAN PENDEDDEHAN PRODUK	Etiqa General Insurance Berhad ("We/Us/Our")
Sila baca Helaian Pendedahan Produk ini sebelum anda membuat keputusan untuk menyertai Insurans MyRumah . Pastikan anda juga membaca terma-terma dan syarat-syarat am.	Insurans MyRumah Tarikh : <hh/bb/tttt>

1. Apakah produk ini?

Pelan ini memberikan perlindungan kepada harta anda yang digunakan sebagai rumah kediaman terhadap sebarang kerugian atau kerosakan yang disebabkan oleh kebakaran, kilat dan letusan akibat gas yang digunakan untuk tujuan domestik. Pelan ini juga membayar manfaat sekiranya anda meninggal dunia akibat kebakaran, kecurian atau pecah masuk dengan menggunakan kekerasan dan keganasan di kediaman anda. Pelan ini turut membayar pampasan bantuan tunai kecemasan akibat kerosakan rumah.

2. Apakah jenis-jenis perlindungan/manfaat yang diberi?

Perlindungan/manfaat diringkaskan seperti di bawah:

Keterangan Manfaat	Jumlah Manfaat dalam Ringgit Malaysia (RM)
Kerosakan rumah/ isi kandungan rumah akibat kebakaran, kilat dan letusan domestik <ul style="list-style-type: none"> • Untuk isi kandungan rumah, jumlah manfaat dihadkan kepada RM10,000. • Untuk barang platinum, emas dan perak, barang kemas dan bulu binatang, jumlah manfaat hendaklah tidak melebihi satu per tiga (1/3) daripada jumlah manfaat ke atas isi kandungan rumah. 	Sehingga 20,000
Pampasan terhadap kematian anda atau mana-mana seorang keluarga terdekat anda iaitu pasangan yang sah, ibu bapa, ibu bapa mertua atau anak-anak Anda akibat kebakaran, kecurian atau pecah masuk dengan menggunakan kekerasan dan keganasan di kediaman Anda yang menyebabkan kematian dalam tempoh 12 bulan kalendar dari tarikh kejadian tersebut. Jika kematian berlaku kepada lebih daripada seorang, hanya bahagian pro-rata daripada jumlah manfaat akan dibayar untuk setiap orang. Manfaat ini hanya akan dibayar sekali sahaja.	2,500
Bantuan tunai kecemasan akibat kerosakan rumah disebabkan oleh kebakaran atau banjir atau ribut angin. Manfaat ini hanya akan dibayar sekali sahaja.	1,500 untuk mana-mana satu kerugian dan secara keseluruhan

Nota:

1. Tempoh perlindungan adalah satu (1) tahun. Anda perlu memperbaharui polisi insurans setiap tahun.
2. Sila rujuk kontrak polisi untuk maklumat lanjut berkenaan manfaat-manfaat di atas.
3. Manfaat-manfaat yang dibayar di bawah produk yang layak adalah dilindungi oleh Perbadanan Insurans Deposit Malaysia (PIDM) sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi kami atau PIDM (layari www.pidm.gov.my).

3. Berapakah jumlah premium yang perlu saya bayar?

Jumlah premium insurans yang anda perlu bayar ialah RM 75.00 (tidak termasuk cukai perkhidmatan dan duti setem).

Semua premium (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran premium.

4. Apakah fi dan caj yang saya perlu bayar?

Jenis	Jumlah
Cukai Perkhidmatan	8% daripada premium
Duti Setem	RM10.00

Nota: Bayaran duti setem untuk premium tahunan tidak melebihi RM150 dikecualikan sehingga 31/12/2025. Walau bagaimanapun, duti setem RM10.00 akan dibayar mulai 1/1/2026.

5. Apakah terma-terma dan syarat-syarat penting yang harus saya ambil perhatian?

Kepentingan Pendedahan

- a. Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Permohonan (atau semasa memohon insurans ini). Anda dikehendaki menjawab soalan-soalan dalam Borang Permohonan ini dengan lengkap dan tepat.
- b. Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatkan kontrak insurans anda.
- c. Kewajipan pendedahan di atas hendaklah diteruskan sehingga kontrak insurans anda dimeterai, diubah atau diperbaharui dengan kami.
- d. Sebagai tambahan kepada soalan-soalan di dalam Borang Permohonan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- e. Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami apa-apa maklumat yang dinyatakan dalam Borang Permohonan (atau semasa permohonan insurans ini), tidak tepat atau sudah berubah.

Tunai Sebelum Pelindungan – Premium yang perlu dibayar mesti dibayar sebelum perlindungan berkuat kuasa.

Tempoh Percuma – Anda boleh membatalkan polisi anda dengan memberitahu kami secara bertulis dalam tempoh lima belas (15) hari dari tarikh penerimaan polisi anda untuk membatalkannya. Premium yang telah dibayar akan dikembalikan, dengan syarat tiada tuntutan dibuat dalam tempoh ini.

Tuntutan – Apabila berlaku sebarang kerugian atau kerosakan kepada harta yang diinsuranskan, anda hendaklah memberi notis segera mengenainya secara bertulis kepada kami dalam tempoh tiga puluh (30) hari selepas berlakunya kehilangan atau kerosakan tersebut dengan butiran terperinci dan bukti yang mungkin diperlukan secara munasabah. Anda juga boleh menghubungi Talian Tuntutan kami di 1-300-88-1007 untuk bantuan dan panduan tentang penyerahan tuntutan.

Nota: Senarai ini adalah tidak menyeluruh. Sila rujuk kontrak polisi untuk melihat keseluruhan terma dan syarat.

6. Apakah pengecualian-pengecualian utama di bawah polisi ini?

Polisi ini tidak melindungi:

- a. Kerugian oleh sebab kecurian semasa atau selepas berlakunya sesuatu kebakaran;
- b. Gempa bumi, letusan gunung berapi atau konvulsi alam semula jadi lain;
- c. Perang, perang saudara dan sebarang tindakan keganasan;
- d. Pencemaran;
- e. Kerugian atau kerosakan disebabkan oleh radiasi pengionan atau pencemaran radioaktif daripada apa-apa bahan api nuklear atau daripada apa-apa bahan buangan nuklear dari pembakaran bahan api nuklear;
- f. Kerugian atau kerosakan jika harta itu tidak berpenghuni selama lebih daripada 90 hari.

Nota: Senarai ini tidak menyeluruh. Sila rujuk kontrak polisi untuk senarai penuh pengecualian.

7. Bolehkah saya membatalkan polisi saya?

Anda boleh membatalkan polisi dengan memberi notis bertulis kepada kami. Semasa pembatalan, kami akan mengembalikan premium secara pro-rata berdasarkan tempoh insurans semasa yang belum tamat.

8. Apa yang patut saya buat sekiranya ada perubahan maklumat?

Adalah penting untuk anda memaklumkan kepada kami tentang sebarang perubahan maklumat perhubungan bagi memastikan semua komunikasi sampai kepada anda tepat pada masanya.

9. Di manakah saya boleh mendapatkan maklumat lanjut?

Sekiranya anda memerlukan maklumat lanjut berkaitan insurans Kebakaran atau anda mempunyai sebarang pertanyaan, sila hubungi kami di:

Etiqa General Insurance Berhad (190701000276)

(Dilesenkan di bawah Akta Perkhidmatan Kewangan 2013 dan di kawal selia oleh Bank Negara Malaysia)

Level 13, Tower B, Dataran Maybank

No. 1, Jalan Maarof

59000 Kuala Lumpur, Malaysia

Nombor Telefon: +603 2297 3888

Nombor Faksimile: +603 2297 3800

Etiqa Oneline: 1300 13 8888

E-mel: info@etiqqa.com.my

Laman Web: www.etiqqa.com.my

10. Lain-lain jenis perlindungan insurans Kebakaran seumpama yang boleh didapati.

Sila rujuk kepada kami untuk jenis perlindungan serupa yang ditawarkan.

NOTA PENTING:

ANDA PERLU MEMASTIKAN HARTA ANDA DIINSURANSKAN DENGAN NILAI YANG MENCUKUPI. DI MANA BERKENAAN, ANDA MESTI MELANTIK PENAMA DAN MEMASTIKAN PENAMA ANDA MENGETAHUI TENTANG POLISI INSURANS YANG TELAH ANDA BELI. ANDA HARUS BACA DAN FAHAMI KANDUNGAN POLISI INSURANS DAN HUBUNGI KAMI UNTUK MAKLUMAT LANJUT.

Maklumat yang terkandung dalam helaian pendedahan ini adalah sah pada <hh/bb/ttt>.